



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. III. Vltimum argumentum diluitur,

[urn:nbn:de:hbz:466:1-77232](#)

§. III.

Vltimum argumentum diluitur.

AD ultimum argumentum breviter dico quod si illud recte concluderet, probaret etiam proscribendam esse scientiam medianam, quia olim eam admittebant Semipelagiani, eaque uecabant ad suos errores defendendos, ut fatetur Suarez Tractatu de Prædest. cap. 5. num. 5. & manifestè colligitur ex Fausto lib. 2. de libero arbitrio cap. 2. ubi ait: *Præscientiam & prædestinationem Dei male intelligunt astruentes quod inde humanae actuum causa nascatur.* Et paulo post subdit. *Generalis itaque præscientia, qua de statu mundi totius apud Deum manet, de potentia nascitur, sed circa statum hominis, qualitates, & species prenoscendi.* DE HUMANI ACTVS INSPECTIONE MVTATVR. Et infra ait: *Magis de origine voluntatis humanae, genus præscientiae divinae derivari, quam opera ac voluntates hominum, de nutu & impulsu Providentiae celestis incipere.* Et tandem cap. sequenti sic concludit, *NISI PRÆSCIENTIA EXPLORAVERIT, PRÆDESTINATIO NIL DECENIT.* Si ergo à Scholis Catholicorum decreta ex se efficacia, & consensu nostra voluntatis antecedentia, relegari debent, quia in libris Calvini continentur: debent etiam, eadem ratione, à Catholicis proscribi, ac de medio tolli scientia media, & decreta provisionem futuri consensus præsupponentia, quia ea similiter docentur à Fausto, Semipelagianorum Antefigiano, in libris de libero arbitrio, quos (ut supra retulimus ex Baronio) Hormisa Papa, tanquam hereticos, & Pelagianam doctrinam continent, damnavit. Hoc ergo Adversariorum tum, vel irritum est ac inane, vel eo pariter vulneratur scientia media. De quo plura diximus in Apologia Thomistarum, Tractatu de scientia Dei infra, ubi etiam varia doctrina Thomistica & Calviniana discrimina exposuimus, & omnia qua P. Annus in libro de scientia media disp. 4. cap. ultimo, tum ex Catholicorum, tum ex Hæreticorum testimonii, post Theophilum Raynaudum, nobis objicit, perspicue solvimus, & prorsus diluimus; ibique etiam clarè ostendimus, objectionem illam Adversariorum, merito stupidam appellari; cùm nemus, nisi omnino bardus & stolidus, tam clara & aperta Doctrina Thomistica & Calviniana discrimina qua ibi expendimus, percipere facilè non valeat. Unde de hoc arguento nihil hic superest dicendum.

Solum referemus quod ait Magister Lorca, Generalis Ordinis Cisterciensis, & in Academia Complutensi Primarius, disp. 21. de gratia, conclus. 1. nempe *Nimis excedere eos qui insuperabili contentione defendunt, physicam premotionem quam docent Thomisti, auferre libertatem.* & sententiam qua illam afferit, nihil aut parium à Calvinio differre: cum enim evidens sit esse D. THOMÆ DOCTRINAM, & plurium ex antiquis Scholasticis, nullà ratione timendum est aliquid ei inesse periculi, sed porius credendum est esse fidei Catholicæ consonam. Et his censuris uti, NEC PIE, NEC PRUDENTER.

Addam etiam qua scribit Baronius ad annum 409. Tomo 6. paginâ 943. Receniores illos prudenter admonens & corrigen: *Videant (inquit) quanto periculo quidam ex Recenioribus se expoununt, dum in Novatores insurgunt; ut eos confundantur.*

Tom. I.

At tent, à S. Augustini sententia de predestinatione recedunt, cùm aliquin arma non desint, quibus heretici profigentur.

ARTICVLVS VI.

Alia argumenta solvuntur.

ALIA solent ab Adversariis proponi argumenta, tum ex autoritate Scripturæ & SS. Patrum, tum ex ratione, quæ hinc brevitatem referimus ac diluemus, ut ista Theologia Thomistica Clypeo, omnia ipsorum tela facile propelli ac irritari, imo & in eos retorqueri possint.

§. I.

Solvitur argumentum presumptum ex inexcusabilitate peccatorum in die judicij.

HOC argumentum plurimum extollunt & magnificant quidam Receniores, illudque sub his terminis proponunt. Scriptura & SS. Patres dicunt, omni excusatione caritudo improbos in die judicij: quia quamcumque pratexant occasionem sui lapsus, & quodcumque allegent sibi fuisse impedimentum ad bene operandum, poterunt eis opponi alij, qui in eodem fuerint cum illis statu antecedenti, & tamen recte egerint. Sed hoc non potest verificari, si divinum decretum sic ex se efficax, & prædeterminans voluntatem ad operandum: Ergo tale decretum rejiciendum est. Minor probatur: Deus in die judicij non poterit opponere improbis & peccatoribus aliquos viros bonos & iustos, qui caruerint decreto efficaci & prædeterminatione physicâ, & tamen recte fuerint operati, cùm tale decretum, & prædetermination ex illo promanans, sine omnino necessaria ad bene operandum, & aliqua applicatio liberi arbitrij, prærequisita ad agendum, ac proinde pertinentis ad statum antecedentem potentia liberæ: Ergo in nostra sententia impossibile est quod Deus opponat in die judicij malis Angelis, aut hominibus perversis, aliquem, vel aliquos, qui fuerint in eodem statu antecedenti cum illis, & tamen recte operati sint.

Confirmant hoc argumentum, & dicunt ex doctrina Thomistarum sequi, vanas reddi exprobationes, quibus Deus in facris litteris exprobat vineas sua (id est populo Israëlico, vel anima fideli) quod uvas non ferat, sed spinas, aut labruscas, hoc est quod non faciat fructus bonorum operum, sed opera mala & perversa, ut habetur Isaïæ 5. Sequela probatur: Ut justa sit exprobatio, debuit esse talis cultura vinearum, per quam fructum re ipsa ferret, & non solum per quam possit producere fructus: Sed si tali vinea debet aliud prærequisitum ad operandum, applicatio scilicet potentia, quæ est à decreto efficaci, non habet re vera sufficiem culturam, per quam fructum re ipsa ferat: Ergo immerito Deus illi exprobaret, quod non faceret uvas, sed labruscas, & imprudenter ab illa expectaret fructus bonorum operum.

Hoc explicant & confirmant exemplo agricolæ, qui si ultimam manu non adhiberet vinea suæ, & illi denegaret aliquam culturam omnino necessariam ut faceret fructus, immerito conquereretur de tali vinea, eò quod non ferret uvas, sed spinas aut labruscas. Sicut etiam immerito quis exprobaret homini constituto in tenebris, & non habenti copiam luminis, quod non videret, licet

MM m iii